

SOBRI NOS

Desdi 1926, South Shore Mental Health é un líder na presta sirvisus pa kriansas, adulisentis i famílias ku problemas imusional gravi, problemas di konportamentu, difisénsias di dizenvolvimentu, i vísiu na drogas. Nu ta djuda nos pasientis adikiri i mante kes kapasidadi fíziku, mental i susial ki es meste pa es vive dretu na kumunidadi. South Shore Mental Health ten klínikas pa tratamentu fora di ospital na Quincy, Marshfield, Plymouth, i Wareham. Nu ta ofrese day treatment, sirvisus intensivu, i konpiténsias pa vive na kumunidadi i pa trabadja pa adultus i adulisentis. Tanbe nu ta ofrese terapia pa kriansas i pa famílias na kaza, na skola, na krexu (day care), na group homes i na otus ambienti di kumunidadi.

MÓDI KI BU PODE SER ENKAMINHADU

Famílias pode ser enkaminhadu durante un internason na ospital, durante un Tratamentu Intensivu (acute treatment) na Kumunidadi, pa un Ekpa Móvel di Intirvenson na Krizi (crisis intervention), o es pode ser enkaminhadu pa un Kordenador di Kuidadus Intensivu di un ajénsia di sirvisus di kumunidadi. Adulisentis tanbe pode ser enkaminhadu pa funcionáriu di skola, sirvisus médiku pidiátriku, trabadjadoris na sistema di Justisa Juviril, familiaris, o otus dentu di kumunidadi.

TERAPIA NA KAZA I AKONSELHAMENTU TERAPÉUTIKU

Un Programa di South Shore Mental Health



KONTÁKITUS PA ENKAMINHAMENTU

Metro & Suburban Boston

(617) 803-8953

Greater Plymouth Area & Brockton

(857) 939-3613

Quincy & South Shore

(857) 939-1085



NOS MISON

Nu ta ofrese sirvisus di saúdi mental i di intirvenson antispadu (early intervention) na árias di idukason, tratamentu i rikuperason pa más di 17.000 kriansas i adultus di Bóston pa Cape Cod.

Si bu meste más informason, vizita nos website www.ssmh.org o kontakita nos Gabinete di adimison (Intake office) pa tilifoni (617) 847-1914

Cape Verdean_8-12

SOUTH SHORE
MENTAL HEALTH

SOBRI SIRVISUS DI CHILDREN'S BEHAVIORAL HEALTH INITIATIVE – CBHI (INISIATIVA PA KRIANSAS KU PRUBLEMAS DI KONPORTAMENTU)

South Shore Mental Health ta ofrese dos tipu di sirvisu pa Kriansas ku Prublemas di Konportamentu: Terapia Na Kaza (IHT) i Akonselhamentu Terapéutiku. Terapia na Kaza é un sirvisu di tratamentu kompletu ki ta konsentra na família i ta djunta ku família i ku kes profisional di saúdi ki sa ta trabadja ku el pa konsigi siguransa, stabilitadi i otus meta. Akonselhamentu Terapéutiku ta konpleta Terapia Na Kaza i ta ofrese apoju struturadu individual pa adulisentis.

Nos ekipa ten profisional kualifikadu di un monti di rasa i etinia. Nos klínikus i konselherus ta papia spanhol, fransés, kriolu di Aiti, kantunés, mandarin, vietnamita, purtugés, i kriolu di Kabu Verdi.

PA KUALIFIKA

Adulisenti ten ki ten MassHealth; ten ki ten ti 21 anu di idadi; sirvisus fora di ospital ka sa ta satisfaze nisisidadis di adulisenti i di se família; adulisenti ta mora na un lar adotivu (foster home) o el ta mora na kaza di un parenti di sel; adulisenti ta kualifika pa terapia na kaza si un o más di ki un di kes afirmason dibáxu é verdadi:

- ♦ Adulisenti sa ta meste jiston di risku i planiamentu di siguransa
- ♦ Adulisenti i se família sa ta meste midjora ses manera di interaji ku kunpanheru
- ♦ Kapasidadi di pais o di otus algen ki ta kuida di adulisenti meste ser riforsadu



TERAPIA NA KAZA

South Shore Mental Health ta ofrese Terapia Na Kaza pa adulisentis ti 21 anu di idadi, ki ten MassHealth i ki sa ta kore risku di ser internadu na ospital o na un Programa di Tratamentu di Kumunidadi, ki sa ta sai di un di kes programa la pa bai pa kaza, o pa adulisentis ki sirvisus fora di ospital ka sa ta satisfaze ses nisisidadis i di ses família.

Nos ekipas di Terapia Na Kaza ta inklui un klíniku ku nível di mestradu i un terapeuta ki ta da apoju pa adulisentis i ses famílias na kaza, i adulisentis pode txomá-s 24 ora pa dia i 7 dia pa simana. Nos ekipas di Terapia Na Kaza ta trabadja ku famílias uzandu un family systems approach (ki ta fla ma algen ta intenedu más dretu komu párti di un família); es ta tenta bai atxa famílias undi ki es sta, jiografikamenti, kulturalmenti i imusionalmenti. Es ta ofrese famílias jiston di riskus i planiamentu di siguransa, es ta djuda adulisentis i ses família midjora ses manera di interaji ku kunpanheru, i es ta da formason pa kes algen ki ta kuida di adulisentis. Ekipas di Terapia Na Kaza tanbe ta liga adulisentis i ses família ku sirvisus dentu di ses kumunidadi i es ta kordena kuidadus di saúdi konportamental (di konportamentu) ku kuidadus akadémiku i médiku.

AKONSELHAMENTU TERAPÉUTIKU

Konselherus trenadu ta trabadja ku klientis di MassHealth ki ten ti 21 anu di idadi i ki foi enkaminhadu pa un sirvisu di hub baziadu na CBHI; ker dizer, terapeuta fora di ospital, terapeuta na kaza o kordenador di kuidadus intensivu di un ajénsia di sirvisus di kumunidadi. Ku kel sirvisu di hub, konselherus terapéutiku ta djuda adulisentis:

- ♦ Lida ku nisisidadis di dia-dia, nisisidadis susial i di kumunikason.
- ♦ Konstrui kapasidadi pa navega na sosiedadi, pratika kes kapasidadi ki es prende i faze prugresu funsional komu rizultadu di trabadju ku Terapia na Kaza i Terapia Fora di Ospital.
- ♦ Pratika midjor kumunikason interpisual, konportamentus apropiadu (dretu) pa ses idadi, kapasidadi pa rizolve prublemas, kapasidadi pa rizolve konflitus i rilasionamentus apropiadu ku otus algen, na atividadis rikriativu i susial.